

أقصى خليل

يا غيابه تـرى دمك ثـقيل
جيتني ضيف لـكنك نشبت
الشبه بينك وبين الرحيل
ما رحل بك عن ايامي وغبت
صاحبك يا الغياب أقصى خليل
شوفني لا جل عينه ويش جبت
جبت له قلب من جسم نحيل
وقالت له: خذت فضل ما طلبت
والطعون امطرت فالقلب سيل
ورغم كل المواجه ما تعبت
وانت تدري بلدونه مستحيل
شوفني لا ضحككت ولا لعبت
كل ما نام للعشاق ليل
اشعرانك من سنيني سلبت
ليت غصنه لا جل ودي يميل
يقرب اكثر ليا مني قريت

عبد العزيز السويط

الغربة وطن

الوطن لو كان ماعنه بديل
أجمع شتاتي وأسوي لي وطن
وانت مهما غبت يا اصدق خليل
من أمل ذكراك أخيط لي كفن
وان غياك في متاهات الرحيل
يجعل حروفي تصيح وتستجن
انت لو تدري بغلاتك يا جميل
تشعل شموع الغلا مهما طفن
الدموع تطيح من قلبي وتسيل
والزمن حراس وعيوني سجن
والرموش أسوار قاضبها نحيل
يرتجي غاليه في آيه ثمن

وانت تدري يا عسي عمرك طويل
أن عيوني من غياك اكتفن
أرجع لعيني قبل تلقى قتيل
واعطف بقلبي قبل لا تسرقن
العمر لو كان ماضيه بخيل
القدر يكرى مصيره ينصفن
الوكاد أفرح ولك صاحب أصيل
ينتظر مهما فظروفه تمتحن
وكان صارت رجعتك لي مستحيل
أجمع الغربة وأسوي لي وطن

فيصل العزم

«سكر قطب»

شل فاسك/ تمنع شوف ما من حطب
غير ضلعي اسوق الله عليك احطبه
كان بردان.. خذ جمره شعوري لهب
صب، عامر، فاكاس الشغرم اشربه
ليه خايف/ ترى ما في احتراقي تعب
احترق لك.. واصنع من رمادي شبه
قلت: اوضفك لا يا، خب، لا تكتنب
كل شي احبه فيك بأحبيه
شفر موشك عناقيد وعيونك عنب
حبتين وعصرهن شوف جيت اسكبه
شف خدودك مدائن، حب خالك عرب
تستفز البياض بصمت.. ثم تسلبه
شف شفاتك مدينة ورد فيها شغب
كل حرف بغى يطلع تجي تصلبه
كل ماي ف شفاتك صار سكر قصب
رش سكرك قبل الناس لا تنبيه
انت مثل السجين ف عرق دمي هرب
يهرب أكثر من اول لا بغيت اقربه

انت تسكت وعارف ان سكوتك ذهب
انت تحكي.. وانا فضة حكيك اسجه
يكفي اني اشوفك سهل لكن صعب
يكفي انك سؤال؟ وجيت دون اجوبه
انت مثل النخيل تحب تعطى رطب
تعطي الناس لكن ما تذوق، رطبه،
والله انك عجيب.. وما يزيدك عجب
انك انسان مخلوق ومعه كوكبه
يعني انتة ف كوكب ارض جيت بسبب
الله اللي جعل فيك الشعر موهبه
انت فيك الحسب من اصل جد النسب
يعني فيك التفاهة قطب في لوبه
فيك حجان تمنى يجيلك غضب
لجل تحضن بعضها في بعض معجبه
شل فاسك/ واذا حصلت غيري حطب
رافق الله عليك بدون ذنب احطبه!

عامر الحوسني